

84(2Рос=Комп)-44
A74



АНЯБИ

Эжва йывса
гижысьяслӧн
кывбуръяс
да висьтъяс



**КОНТРОЛЬНЫЙ ЛИСТОК
СРОКОВ ВОЗВРАТА**

**КНИГА ДОЛЖНА БЫТЬ
ВОЗВРАЩЕНА НЕ ПОЗЖЕ
УКАЗАННОГО СРОКА**

Колич. пред. выдач.

--

84(2Рос = Коми) - 44

(NMM) 84

A74

ATA

АНЯБИ

Эжва йывса гижысьяслӧн
кывбурьяс да висътьяс



Сыктывкар

«Эскӧм» издательство

2001 во

397603

НАЦИОНАЛЬНАЯ ДЕТСКАЯ
БИБЛИОТЕКА РЕСПУБЛИКИ КОМИ
ул. С. МАВШАК

84 (2Рос=Коми)
А74

КОНТРОЛЬНЫЙ ЛИСТОК
СРОКОВ ВОЗВРАТА
КНИГА ДОЛЖНА БЫТЬ
ВОЗВРАЩЕНА НЕ ПОЗЖЕ
ЧУКОРТІС ДА ЛӚСЬӖДИС
В.Г.Лодыгин

В.Г.Лодыгин

АННА

ЭЖВА ЙЫВ ОЗЫР КЫВБУРЬЯС ВИСЬТЪЯС
ЧУКОРТІС ДА ЛӚСЬӖДИС В.Г.ЛОДЫГИН

«Аняби»: кывбурьяс, висьтъяс / Чукортіс да лӚсьӖдіс В.Г.Лодыгин.—
Сыктывкар: «ЭскӖм» издательство, 2001.— 40 л.б. + вкл.

Эжва йыв озыр кывбур-висьт тэчысьясӧн. Тайӧ книгаас ӧтувтӧма гижӧдьяссӧ налысь, кодъяс петісны творчестволӧн ордым вылӧ бӧръя кадӧ, но бура нин тӧдсаӧсь лыддьысьысьяслы.

Унджыкыс вӧліны республикаса том гижысьяслӧн 2000 вося семинар вылын, кодӧс нуӧдісны ӧтув «Парма гор» газетлӧн редакция да республикаысь гижысь котырлӧн правление.

Книгасӧ отсаліс лэдзны уна сикас войтырлӧн министерство.

ISBN 5-94080-001-7

© Лодыгин В.Г., составление, редактирование, 2001
© «ЭскӖм» издательство, 2001

Лилия ЛУДЫКОВА

МАМ

(«Бара школаё» повестьысь юкён)

Гортас Одя воис час витын кымын. Керкаыс вöлі битöм да таса. «Кöні Наталь? Кöнкö, мамöлы отсасыны муніс». Чуймöдіс гурийв восьса öдзöс, и пыр жö вежöрас воис: кынтысьöны, кöнкö, Матрен вежань ордас олöны.

Сэтчö и котöртіс векньыдик ордымöд.

—Аминь, аминь, Öдюк! Кысь нö усин татшöм кöдзыднас? Зіля пöрччысь да шонтысь,—эз вермы дзебны радлунсö вежаньыс.

Öдя шыбитіс вывкышсö да пыр жö юалис:

—Кöні нö Наталь?

—Вöрын. Сьöдью дорын. Кер кыскалö, сёшайтöй.

—Важөн нин?

—Му кынмöмянь ыстісны. Он кö пö мун, судö сетам.

—Гортö, кöнкö, воывлö жö?

—Оз, дитяёй, мынлы, öтарö норма тыртö.

Кильчö вылын кылісны кок шыяс. Мамыс, кöнкö, локтö. Сійö и вöлöма. Öдялөн сьöлöмыс топавліс, кор аддзис мамсö: мудзöма, öдва кок йылас сулалö, мешöкысь вурöм юбкаыс кынмöма, купайкаыс—дöмас вылын дöмас.

Öдяöс аддзём бöрын шайпаймуніс, бура дыр мысти шыасис:

—Öдя али мый локтöма?

Воча уськөдчисны, топыда кутчысьлісны. Вежаньыслөн быдсөн синваыс петіс.

—Часлы, ме шыбита кöлуйöс да вöлисти сёрнитам,—тэрмасис мамыс, но пöрччысигмозыс нин кутіс юасыны Öдялысь, кызди-мый овсьö, кутшöмөсь виль местаын йöзыс.

—Ме тэныд, мам, гижлі нин: зэв шаньöсь,—вочавидзис Öдя.—Меным весиг яндзим лолö, кодсюрö шапкасö пöрччöмөн чолöмасьöны да.

—Медъя нин, пыдди кö пуктöны. Натальлы тай некод шапкасö оз пöрччы. Дыш лои велöдчынысö да кер дін йирö.

Öдя весиг пöсъявліс. Тöдіс öд, мый мамыс кыкнаннысö öтпырйö велöдны эз вермы, да сы вöсна лои Натальлы кер дорас мунны.

Көсйис жалитыштны чойсө, но шыасьомнас водзаліс мамыс:

—Өти вежон ме дорын олышт, он кө ёна тэрмась.

—Ог вермы, мамө. Талун институтын велөдчан лун нин. Ме вой узыны тэ дорө кежи. Аски ковмас мунны.

—Аски? Юр выв тыр удж да, он мөй неуна отсышт? Быдті жө...

Паныд ни сөглас эз шу татчө Ёдя. Збыльсь мамыслы отсөгыс колө и кольччыны оз вермы. Но дона мортыс жаль лоис да шуис:

—Өти лунсьыд, гашкө, оз сэтшөма видны, кольччыла.

Юр выв тыр уджөн луныс колис өдйө. Рытнас көсйис ветлыны пөдругаяс дорас, но пырис Макаровьясө. Гозья зэв радось лоины, пыр жө тшай вайисны, орччөн пуксисны, юасисны, советуйтісны.

—Тэ, Клавдия, мый кывлан вельторсө Коми мулөн историясь, ставсө пель саяд сюркняв, тетрадьө пасьяв. Челядьыдкөд уджалігөн ставыс ковмас. Важ олөм төдысьясыс ловьясь на да, налысь унджык юась. Со менам Александра Гавриловна челядькөд мыйта нин мойд, сыланкыв да мукөдтор чукөртіс, некымын книга петас,—велөдіс Модест Прокопьевич.

Александра Гавриловна вөзйис ассьыс воспитайтан планьяс чукөра тетрадьяс, велөдан пособиаяс. Жытнікө пөнарөн петалісны. Ёдя шензис да шензис: сы мында книга-тетрадь, газет-журнал чукөртөмаөсь!

—Өтпырйө унатө, дерт, он босьт. Мөдысь волігад бара бөрийсьыштам,—сёрнитіс Александра Гавриловна.—Тайө озырлун вылас ме сьөмтө некор эг жалитлы. И тэ эн жалит, сійө ковмас оліг чөжыд.

Аскинас Ёдя гортсьыс петіс сьөкыд сьөлөмөн. Медсясө сыысь, мый этша вермис отсавны, зэв на уна вөчтөмыс колис. Вежон кө нөшта эськө. Гортса гөльлуныс тшөтш чепөльтіс, мамыс, медся дона мортыс, аттө жаль вөлі. Нэмсө мырсьө-пессьө на вөсна...

Роза ВЛАСОВА

ЭСКӨМ

Еджыд эшкынөн шебраліс мусө,

Йиөн дорис и тысө, и юсө.

Миян войвылө поздысис төв,

Коді өтпырйө визув и чөв.

Көдзыд. Вир-яйыд весигтө сырмө.

Выныс төлыслы кыськө тай тырмө

Йиа кабырас ывласө кутны,

Еджыд быгья кодь сынөдсө шутны.

Ме ог пов, коть и пашлякыс гымгө,
Тода: енэжыс небыдик лымкөд
Регыд мөдөдас тулыслысь чолөм.
Төлысь-мөдсө вай терпита-олам.

ПУКСИС ЛУН

Көнкө ылын, Эжва сайын,
Кыа бөрын шондї кайис.
Ставыс ловзис, ставыс гызис,
Сиктым чеччис, гөгөр шызис.

Мамө пусис, сэсся муніс—
Уджалыштны корис луныс.
Пөчө кага видзны колис,
Мыйкө сылы помся дольө.

Меным сідзжө уджыд сюрас,
Сійөс вөча лючки-бура.
Өдйө коляс талун кадыс,
Рытнас ставным лоам радөсь.

ВӨЛӨГА

Чинө төдчымөнъя луныс,
Өдйө гожөмыс и муніс.
Зильөсь пуктысигөн вөлім:
Скөтыд бура олас төлын.
Да и асьным бура олам:
Чери свежөй эм и сола,
Өмидз вотім, чөдйид сюрис,
Уна мырпом сетіс нюрыс.
Өні вөрыс тшакла корө,
Вот, мед пестер көвийд орө.

ЛАЧА

Войыс кор ыджыдыс, йөзыс кор ставныс нин узьөны,
Ланьтөма пармаыс, сынөдсянь кодзувъяс усьөны.
Аскиа луныс мый ваяс да козьналас миянлы:
Вичмөдас нюм, гашкө, пармалөн нывъяслы-пиянлы?
Гашкө-и, шогөдлас, олөмыс торксьылас-вежсьылас,
Кодлөнкө туй вывсьыс, веськыдсьыс, чукыльтяс-кежсьылас.
Ставныслы окота шуны бур кыв, медым эскөдны:

Енмыд зіль йөзтө оз некор кут, төдөмысь, дзескөдны.
Мед жө оз кушмыны нянь тыра кумъясным, кудъясным,
Кодзув моз лэччасны енэжсьыс лачаяс-шудъясным.

БАТЬЛӨН ПИСЬМӨ

«Видза олан, дона мортй!
Кыдзи олан сэни—гортын?
Мырсян, көнкө, вой и лун,
Оз и шедлы тэныд ун.

Төда: сьөкыд гортын олөм,
Но эн усь жө дзикөдз лолөн.
Челядтө вай кызкө видз,
Найө—олан гаж и мич.

Месө тані ола бура,
Врагөс чорыдакодь пурам.
Регыд сылысь босьтам лов,
Сэтчөдз кызкө-мыйкө ов».

Татшөм письмө мамлы воліс...
Батьлөн йөзын петіс лолыс,
Но пыр орччөн дона морт,
Видзө шогысь керка-горт.

МАМЛЫ

Со и муса мамным куліс,
Лои гажтөм енэж улыс.
Мамөс радейтлім зэв ёна,
Вөлі сійө медся дона.

Сылы уна уджыд сюрис,
Шогла водз и дзормис юрыс.
Мамөс помнитам ми нэмыс,
Кытчөдз вольной светас эмось.

ВИЧКО

Джуджыд кыр йылын вичко важиник,
Йөзыс ордйөдө сійөс важөн нин.
Сиктын медмича стрөйба вөлөма,
Кодкө кисьтөма чорыд сьөлөма.

Еджыд мичыс со дзыкөдз бырөма,
Гөгөр няйтөн да лөптөн тырөма.

А өд водзті тан сьылөм юргыліс,
Лолыд кыпавліс, вежөр югдыліс.
Лөсьыд йөзыслы вөлі овнысө,
Гректөг олан кө, кодысь повнысө?
Сөмын өні тай полөм дзескөдө:
Быри эскөм, и чужис веськодълун.

РАДЕЙТЧӨМ

Менам кыпыда ветлөдліс лолөй,
Кодыр рытьяснас мусукөй воліс.
Дыр ми сулавлім Помөс ю дорын,
Сывйысь мынлі ме ёна нин сөрөн.

Зонъяс, радейтөй ассьыныд нывтө,
Мусук борд вылын югыдлань кывтөй.
Лөсьыд овны, кор мусаыд орччөн,
Кодыр сьөлөмыд өтарө дорччө.

Сэки вөчан и виччысян бурөс,
Сэки аддзан и олөмлысь сюрөс.
Мед жө кыпыда ветлөдлас лолыд,
Кодыр мусукыд тэ дорө волө.

Гелий ЗЮЗЕВ

МАРЪЯМОЛЬ

Ме пармалөн изъя кыр йылас,
И горулын котөртө ёль.
И вежөдөм берегъяс вылас
Гөрд вом дора марья дай моль.

Час, лэччыла горулас сэтчө
Да чибльөгысь көтөда вом.
И дзоридзөн гортө ме лэчча,
Ме төда, код мича да том.

РАЙ

Мунам тайё сиктсьыс вай
Да ог локтöй бöрсö.
Тэа-меа корсям рай—
Гажа парма шöрсö.

Тшупа сэнi керка-чом,
Кутшöм овлö мойдын.
Овны кутам вом на вом,
Дозмөръяс моз койтам.

Кильчö помын сьыланкыв
Нэмсö олас-вылас.
Чужас уна пи да ныв
Джуджыд нöрыс йылас.

Тайё зыкссьыс пышъям вай
Да ог локтöй бöрсö.
Тэа-меа корсям рай—
Гажа парма вöрсö.

КОЛИПА ЛОВ

Мичаник аньяскöд вöли ме чожөн,
Олöмам ёнджыка гыалис гождём.
Нэм джынйысь петöмөн таляла мусö,
Радейта енэжсö, вöрсö и юсö.

Зумыдöсь, уджачöсь быдмисны пиян—
Шудыс и тöждлуныс гöтыркöд миян.
Лöсьыда, чайта ме, донакöд олам,
Бипур моз кустöдзным öзъям да колам.

Мый нö кöть ярскöба кыв-мöдтö шулам—
Муслунным та пыдди Эжва моз тулö.
Чайта да, водзын югыд на олём,
Мед жö и горалас колипа лолён.

ПОЗ

Вöрын, ёль кыр йылас моз,
Лöсьöдам вай гуся поз.
Медым кыкөн сöмын тöдам,
Сэнi аддзысьлыны мöдам.

Ми ог öзтöй сэнi бияс,
Öта-мöддлысь корсям кияс,
Öта-мöддлысь аддзам вом—
Радейтчöмлы оз ло пом.

ТОМЛУН

Чукырөн кымöсöй тырис,
Еджыдөн руалис юр.
Томлунöй вöли да бырис,
Мöдысь оз некытысь сюр.

Нывъясöс сывъявлi, кутлi,
Йöзыскöд вöли век шань.
Олöмыс ёнджыка шутлис
Рудзöг да кыд сора нянь.

Гашкö нö, кодлыкö коркö
Тöдлытöг вöчи ме дой?
Прöститöй, волöй вай гортö,
Öтлаын коллялам вой.

Казьтыштам кольёмсö, важсö,
Мусалысь дзоридза шаль.
Казьтыштам гудöка гажсö,
Кодi тай медся на жаль.

КАЗЬТЫЛÖМ

Небыд подула тувсов койтьясын
Тарыс-дозмöрыс коркö койтлывлis.
Еджыд льöм пулөн кольман войтьясын
Ыджыд муслунөн тули-ойдлывлi.

Сьöлöм гажöдан югыд дойясыс
Сэтшöм лöсьыдöсь коркö вöлины.
Öдйö лэбисны тувсов войясыс
Эрдъяс вомöныс, ёльяс пöлöныс.

Сэкса луныс и, сэкса көрыс и,
Сэкса көкыс на весиг эстöнi.
Сöмын бипурсö джуджыд нöрысын
Тонö кодъяскö мöдъяс пестöны.

Мария ИГУШЕВА

КЫДЗ ПУ

Джуджыд туруна паськыд видз,
Катшасинъяс сэн копрасьёны.
Эжва берегын кыпыд мич—
Еджыд ситеча кызд пу сэні.

Кыздсө аддза, и югдө лов,
Сыкөд гажаджык вольной светас.
Меным унджыкыс оз и ков,
Кыпыд ловнам кө кывбур петас.

ЭН ВУНӨД

Кор гортсьыд ылө овны мунап,
Эн вунөд ассъыд чужан му.
Пөль-пөчлысь гуяссө эн вунөд,
«Ме—Эжва дорса!» ставлы шу.

Эн вунөд бать-мамтө, чой-воктө,
Эн вунөд челядьдырся кад.
Оз лөсяв олөм—гортад лок тэ,
Ас сиктад быдөн лоө рад.

ЧУЖАНИНЫН

Ёна жө нин мича төвся вөрыс!
Кутшөм небыд муртса усьөм лым!
Вена мыйөн лызьөн козья нөрыс,
Банъяс чужөм, сьөлөм лоас пым.

Сөстөм сынөд юа гулыд эрдын,
Кольмөдыштө юрөс парма көр.
Татысь ставыс кольө сьөлөм бердө,
Коркө петас сыланкывйөн бөр.

Ёна жө и дона чужан муыд,
Муслун некор сы динө оз ям.
Ачым, гашкө, мөвпышти и шуи:
Чужанынд—сійө мамсьыс-мам.

* * *

Кыпыд Дереваннӧй сикт,
Коді Эжва боқын дзик.
Чужи тані, быдті борд,
Лэдзи вужъяс коми морт.
Чужанінлысь ыджыд мич
Видза ме и, Енмӧй, видз.

БАТЬ

Батьӧй менам важӧн абу ловъя,
Шойна ягын куйлӧ вель нин дыр.
Оз нин йирны сьӧлӧмсӧ вир дойяс,
Надзӧникӧн гортӧ оз нин пыр.

Да ӧд ловъя крепыд вужйыс сылӧн,
Паськалӧ да сӧвмӧ ыджыд рӧд.
Муса батьӧй, дона мортӧй, кылан?—
Тэ век орччӧн, тэ век миянкӧд.

КОМИ АНЬЯС

Коми аньяс, донаяс, мыйла нора сьыланыд,
Мыйла сьӧлӧм выланыд лои татшӧм шог?
Коми аньяс, ӧтчыд ӧд оланнӧйд да выланнӧйд,
Йӧзлысь шогсӧ пальӧдны абу ӧмӧй мог?

Коми аньяс, мичаяс, гажа томлун казътывлам,
Кыдзи видз-му вӧдитім, кыдзи заптім вӧр,
Сьӧд чышъян кыз шыбитім, дзоридзаӧс пасьталім,
Мусукъяс кор локтісны война вылысь бӧр.

Коми аньяс, меліяс, босьтчӧй сьывны кыпыда,
Шонді улас ывлаыс весиг ловзяс сэк.
Коми сьылан бурдӧдас, усьӧм ловтӧ кыпӧдас,
Сӧмын мича кывъясыс юргасны мед век.

ЛИДИЯ ЧУВЬЮРОВАЛЫ

Тэ сьылін, кыдзи ворсӧ югыд шонді,
Тэ сьылін, кутшӧм чужан муын лӧнь.
Тэ сьылін, кыдзи радейтны ме понді,
Тэ сьылін, кыдзи кысьӧ сера вӧнь.

Тэ сьылін, кыдзи шлывгö Эжва юным,
Да морöс тырнас дзоридзалö видз.
Тэ сьылін, кутшöм гажа чужан муным,
Да кутшöм ловъя сьлөн югыд мич.

Тэ сьылін, кутшöм шуда тайö нылыс,
Тэ сьылін, кутшöм муса тайö зон.
Тэ сьылін, сьылін, а ми тэнö кылім
Да сетім тэныд медся ыджыд дон.

Ми водзö тэнсьыд сьыланъястö сьылам,
Көн кылö миян, комияслөн, лов.
Ми водзö тэкöд чужан муын кылам,
И таысь ыджыд шудыс оз и ков.

Иван НОГИЕВ

МАМ СЬÖЛÖМ

Тринькнитіс телефон. Наста тьöt тэрыба босьтіс трубкасö. Звөнитісны школасянь, элясисны пиыс вылö: дзикöдз пö лэдзчысис велöдчöмысь, дугдіс пыравлыны урокъяс вылö, куритчö.

Учительскöйын пызан сайысь сылы паныд чеччис Виктория Сергеевна—Дималөн класснöй руководительыс. Бура дыр лыддьöдліс пиыслысь грекъяссö. Наста тьöt унаысь нин кывліс тайöс да öні дözмис:

—Батьтöм морттö дзикöдз öтдортны кутінныд. Асьныд пыр урок вывсьыс вöтланныд да, дерт, сэсся оз пыр.

Велöдысьясöс мыжалан юрөн вöсьялаліс и гортас. Öнія учительяслы мед сöмын сьöм курыштны, челядыд веськодьясь, велалöны көть оз. Димукуыс коркö клуб вывсянь усис, коксö чегис да тöлысь больничайн куйліс. И ни öти учитель нырсö эз мыччыв. Дерт, сэсся велöдчöмсьыд коліс. Сэтчö жö и батысь сэсся куліс, пöрöдчигөн пу улö сюрис. Некодлы крепыд кыин кутны. Нывбабаыдлысь омöля кывзысьö.

Ёнакодья видіс писö школасыыс локтöм бöрын, но öтар пельöдыс пырöма, мöдарöдыс петöма. Куим лун мысти Наста тьöt ордö воліс участкөвöй, висьталіс, мый пиыс гусялöма велосипед.

—Дерт, велосипед менам пиöй гусялас, —дорйысис Наста тьöt. —Аслас сарайын куйлö. Коді миллионъясөн гусявлö, найöс он аддзöй, а менам пи дорö, колö и оз, крукасянныд. Дорйыны коньбöрöс некодлы. Пет менам керкаысь да некор эн пыр, а то юрад карнанөн ворта.

А велосипедсö пыис збыльысь гусялöма. Аскоддьюмыскöд разялöма запчастьяс вылö да рамасö юö шыбитöма. Донсö ковмис вештыны дзоньнас.

Тулыснас Дима велöдчöмсö энöвтис дзикöдз, но школаö пыравлис пöшти быд лун—пакöститчыны. Школаса директор Алексей Иванович волис Наста тьöt дорö гортöдзис, но сёрни эз артмы.

—Асьныд мырдөн вöтлинныд, а öни ме дорö локтинныд. Мед и дöсaдитчö!

Инавлис мамыс Димаöс слесаритны лесопунктлөн гаражын, но эз вужьясь. Тöv чужьялысьыд вежон весиг эз кутчысь.

А төвнас веськалис милиция киясö. Конюшняысь пышйöдöм вöвьясөн, вөлөм, ризьялöны-басмачалöны. Нывбабаöс весиг тирөм висьöм босьтлис милицияö вöтöдзис. Мамсö аддзöм бöрын пыислөн вомыс вежынтьчылис бөррдзыны, мед и тайö пöрийö дорьяс, но Наста тьöt, дорйöм пыдди, уськöдчис пи вылас, ичöтик кабырнас некымынысь вартис чужöмас.

—Эн лэптав киястö, сука!—горöдис шог вайысьыс да чужийис мамыслы бокас. Торйöдисны милиционерьяс.

Та бöрын писянысь бур кыв эз кывлы, мöдарö на, мортыд дöсaдитчыны кутис юёмөн, пöкмелляөн висьöмöдз волис. Аслас юысь другьяскöд лунтыр катлалис ывла вылын, рытьяснас весиг мырддывливис олöма йöзлысь вина дозья сумкасö.

Бара милицияö веськалис. Öндреян Мишкöд самöкур вöчöмысь. А стöчджыка кө, столöвöйысь песок мешöк гусялöмысь. Туялöмаöсь.

Наста тьöt, мыйөн сöмын кылис писö йöртöм йылысь, пыр и котöртис милицияö. Аддзысьлыны Димакöд да вайны сылы сёян дежурной эз лэдз, оз пö позь. Ветлис начальник дорö да сийö тадзи жö шуис.

—Абу тай тi йöз. Сийöс и видзöданныд, мед сöмын морттö йöртны,— дзикöдз скöрмис сийö погонаяс вылö.—Чукöртчöмныд став вина гагыс, рушкунытö чургöдöмныд да пызан сайö он төрöй, чужöм выланыд көть лудикöс ви. Казенной машинаяс вылын кытчö окота журьяланныд. Яндысьтöм бугыльяс тi—вот тi кодьяс.

Тавысь көть асьсö пуксьöд, но жалитисны сийöс закон видзысьяс: аддзисны, мый нывбабаыслы збыльысь сир курыд шог.

Куим во мысти петис пыис дзескыдинысь.

—Ме вои, ставыс бур лоас,—эскöдис медводдза лунас Дима, но олөм бара гöгыльтчис важ туйöдыс. Локтöмсö пасйöм ради, гашкө-и, позис неунатö юыштны, но Дима юис и мöд луннас, и коймöднас, и вежон кольöм бöрын. Удж вылö пырöм йылысь эз и гаравлы. Бара аддзисис важ другьясыскöд, кодьяс винаысь кындзи нинөм жö эз тöдны. Ньöти яндысьтöг кутис пычкыны мамыслысь сьöмсö, öти кадö сэсся и нöйтис.

Пуксисны Наста тьоткалы сьöд луньяс да войяс, син дорьяссьыс лöзыс эз и кут быравлыны. Дугдис петавлыны гортсьыс, ветлöдлис синъ-

яссө муё лэдзёмөн. А пиыс отарё юис. Водзті куд кодь мича керкаыс урөсмис. Быдлаын тупляисны куш дозьяс, куритчан помьяс, нырө вартіс лёк дук.

Урөсмис и ачыс Наста тьёт. Отчыд сувтіс рөмпөштан водзё да повзис: сы вылө видзөдіс дзормөм юрсиа, чукурёсь чужөма старука. «Збыльысь мөй тайё ме?»—шемөсө усис сійө да кутіс корсьны шкап вылысь сынан, мед шыльөдыштны юрсисө. Ки улас веськаліс карточкаяс видзан альбом. Восьтіс сійөс. Со сійө кутё ки вылас ичөт писө. Кыкнанныс нюмъялөны снимайтысьлы. Шуда олөм налөн водзын. Татшөмтор өд эз жө куж мөвпыштлыны.

Зымкнитіс керка өдзөс. Сьөкыда восьлалігтыр пырис пиыс. Гудыр синьясөн видзөдіс мамыс вылө.

—Вай пөкмелитчыны, а то джагөда каньпиөс моз,—пинь пырис сөдзөдіс сійө.

—Кысь нө ме тэныд пөкмелитчансө вая?—бөрддзис Наста тьёт.—Став пенсияөс нин другьясыдкөд юин да.

—Ветлы да корсь.

—Кысь нө ме корся сьөд войнас?

—Кысь кужан, сэтысь и корсь. Сөмын видлы кушөн локны. Виа урөдөс!—горөдіс пиыс да тойыштіс мамсө ывлаө.

Ывлаын Наста тьётөс пыр жө босьтіс йирмөг. Енэжсянь кисьтіс арся көдзыд зэр, кок улын шлөчьяліс няйт. Пальтотөг, чышьянтөг, тапочки кежысь нывбаба ньөжйөник муніс мир туй кузя. Некөн эз тыдав ловья лов, вөлі дзурс пемыд. Воис милиция весьтөдз, сувтіс, видзөдіс «дежуркалөн» югзьысь өшиньяль, а сэсса кайис пос тшупөдьясөд кильчө вылө да восьтіс өдзөссө...

Владимир ШОМЫСОВ

КӨЧ ШПИОН

Оти арся луно вель дыр шлоньялі вөрті. Пельпом вылын ружьеөн көч кыйны эськө петі, но көчьяс некөн эз тыдавын, көть эськө синьяс улө усьлісны пөрөм пипуяслөн йирөм чальяс.

И друг мө көчтө аддзи. Сьөдасьөм пес чипас бокин пукаліс да ме вылө дзоргис. И пельяс сайсьыс...антенна чурвидзис. Лыйны эг лысьт: друг да взрывчатка көрталөма, чашнитас да, сапөг шойыд сөмын кольө. А, гашкө, кутшөмкө эксперимент учёнойяс нуөдоны, нэм чөжыд вештысьны он вермы.

Посьо шыбитіс, мать тэнö кантук. Сідзтöкö, оз и ков меным тайö кöчыс. Таодз кöч яйтöг олі и водзö кос тшак кута пуны.

Друг пармаыс потіс, кодкö косьöбтіс ружьеысь да. Ме шняпкыси муö, и кöчыд бок вылас турбыльтчис. Ен видзис, эз взорвитчы. Пиöй матыстчис. Сійö кöчтö лыйöма, абу ме моз повзёöма шпионсьыд.

Матыстчим кöч дорад, видзöдам: збыльысь антеннаа, но передатчик оз тыдав. Кулигас ставыс тыдовтчис. Шедлöма петляö да ордöчöма, голясьыс сутугасö выль кучик вевттöма, йылыс и тыдалö.

Но та вылö видзöдтöг, сійö зэв госа вöлі да вердаса. Куим лун чöсмасим.

КÖЧ БАЛЕРИН

Лунтыр шландайтöм бöрын, рöмдігөн нин, аддзи кöчöс пöрöм кызд пу боковысь. Гусьöникөн матыстчыны куті, мед ружьеысь лыйны. Сöмын на метитчи, а кöчыд бринькнитіс вывлань да ризöдіс. Ме сылы бөрвылас кыкнан стволысь. Видзöда: брун пуксис, ни öтарö, ни мöдарö. Меным зськö мöдысь лыйны кольмöмыслы, а воськовті куш киön босьтны. Энлы пö, сійö меным шуис да воддзасьыс на вылöджык чеччыштіс. Чайті, сы мында и тöдлі, а бөр места вылас жмоткысис. И тадзи некымынысь дорыв.

Гöгөрвои жö медбöрти: дон босьттöг меным балет петкöдлö, сиктад артистьясыд оз волыны да. Тыдалö, кутшöмкö циркысь ыркöдчыны петöма. Кыськö ме лыддылі: тадзи жö вöрын öти кыйсьысьлы циркысь петöм ошкыд весиг понйön увтöма.

Кикимеритчис-кикимеритчис да вылам кутіс локны. Ме и гöгөрвои: кöзяиныс съод нянь вылö кöть нажöвитны лэдзöма, час съом кутас корны. А кысь меным съöмыс съод вөр шöрын? Пышйыны босьтчи, а балериныд ме бöрся.

Пиöй мездіс, дыр эг кут локны да, корсьны петöма. Бара жö кулигас ставыс тыдовтчис. Öти дрöб тусь веськалöма бөрря кок чуньяс костас да сійö, вöлөм, кöсöйтö тешкодялö.

КÖЧ МИНЁР

Кор гылалігөн пукталі кöчлы петляяс. Öтилаын ордымыс люкöдіс коз пуö. Табья кокыд подуvcö дзоньнас чашйöма, öтар-мöдарын нитшкыс керка лэптымөн. Матыстчи да казялі: вель ыджыд розь вужьяс улас пырö. А нöшта öд шуöны, мый кöчыд кролик моз гуö оз вод, узьлö пу бокин.

Мövпышти кöчтö кыскыны кузь пельясöдыс, суюи киöс розяд, чуньясöй инмисны кутшöмкö небыдторйö, но эз гөнö. Гашкö, важ бумагысь чомсö вöчис, öні öд вöрад мыйыс абу?

Босьтчи кыскыны, и кызд тай ызнитас! Зэра съод кымөр моз кыптис зі чукөр да веськыда чужөмө!

Палялі аслам көч лэчкысь. Син доръясөй булки кодьось, чушъясөй муөдз инмөны. Мед гортөдз воны, син потасьясөс истөг тувъясөн пыки, льөбйөс көв помөн көрталі.

Бөрыннас юр вежөрө воис: көчылд маөн чөсмасьөма. А ме чайтлі— ош сөмын сійөс радейтө.

РАКА-АЛКОГОЛИК

Рөдвужнымөс казтыштны чукөрөн мунім карса шойна вылө. Перъялім сөян-юан, курыдтор да пукталім ас вөчөм пызан шөрө. Эг вунөдөй и гуын куйлысьясөс: тэчим чөскылд пөжасьяс крест тасьяс вылө, кисьтышталім курыдторсө донтөминик румкаясө. Кольөм вылад мый бурсьыс?

Мунан кад воис. Эг на удитөй чеччыны пукаланінъясысь, ракаяс матыстчисны. Дзик яндысьтөг босьтчисны пажнайтны, крестьяс вылө пукталөм небыд шаньягастө чеплявны да весиг водкатө юны. Өти юис да мукөдсө корис. Бура дыр бөжнысө тірөдөмөн дарьясисны, өти бөрся мөд румка куштисны.

Өти, буракө, өнджыка горшасис: кравзис-кравзис коз пу вылын да турбыль усис. Мукөдыс вель жө ёна гажьялісны. Өти кывйөн кө, дон босьттөг концерт видзөдім. Миян сиктын вежавидзысьөсь на ракаяс-ыд, нянь сөмын кокалөны...

Иван ЛИПИН

СКУП КӨК

Эжваысь ва катігөн, пужьялөм юра олөма мужичөй быд пөрийө пуксьыліс льөм пу улын сулалысь лабич вылө. Со и өні, дзуртышталысь ведраяссө карнан вылысь лэдзөм бөрын, чышкыштіс кепысьнас небыдик лымсө да пуксис сэтчө. Кытшовтіс синьяснас енэжлысь отсө, лымйөн тырышталөм мөдлапөвса видзяс, ю пөлөнсө. Лөниньясті йиөн топөдөм Эжва пыр на венласис көдзыдыскөд. Восьсаиньясысь пуритіс-кайис еджыд ру, регыдөн сыліс кос, көдзыд сынөдас. Наридз пластьяс дзужгөмөн ниртчисны өта-мөд дінас, чашйисны-гурскисны паськы-дакодь нин йизьөм кыр дорсө.

Митрей, а олөма мортсө шуисны тадзи, эз и казьявлы, кызди мыш сайсяньыс матыстчис гын сапөга нин, сы арлыда жө ань. Видзаасьөм да кыв-мөдөн шыбитчөм бөрын, карнан вылас мыджсьөмөн, Марья

лэччис кыр горув, көні берегсянь матын тыдаліс юкмөс.

Вала лэччыськөд найо олісны орччөн. Весиг керкаясныс вөліны өткөдөсь: шөрас посводзаөсь да джуджыд кильчөаөсь. Дзоля дырйиыс унаыс и сюравліс батьсяныыс тайо аныыс вөсна. Кузь кокъяса, отарө-мөдарө чурвидзысь көсаа нывкаыс удтыліс то купайтчигөн пыж босьтлөмысь, то жытник улын куритчан помъяс шпуткөмысь. Гусьон нинөм он вөлі вермы вөчны—ставсө төдлас. Митрей водзөстөг эз жө кольлы. Бөрийліс кад, кор верстьөяс матын эз вөвны, вотліс потшөс пөлөнысь өмидз да чукоствліс суседкасө. Мөдыс пыр и ылавліс чөскыд-тор вылад. Сэки и някравліс Митрей удтысьысьлысь юрсисө.

Машө эз бөрдлыв, а асланыс кильчө вылөдз пышйөм бөрын петкөдлывліс кывсө да нерліс: «Бе-бе-бе, бе-бе-бе».

Өтчыд сійө исковтіс лыжиөн асланыс керка вывсянь да усис матіникті мунысь пода туй юж вылө. Сотыштөмөн лотшнитіс кок шегйыс. Но Митьө эз бөрдды, кызкө-мыйкө чеччис да, бедьяс вылө мыджсьөмөн, воөдчис кильчө вылөдз. Бура дыр сэсса доймөм кокнас кривликасис гортас, весиг школаө эз вермы ветлыны. Мед велөдчөмсьыс эз коль, учителяліс суседкаыс. Өтчыд Машө кисьтіс пызан вылө ки тырыс гөгрөс сьөд кампетьяс да шуис:

—Чөсмасьышт, өдйөджык бурдан.

Нывка мунөм бөрын Митрей дыр видзөдіс ыж моляс вылө—сөйны али лөканьө шыбитны, и сөйис. Та бөрын өтлаын кутісны котравны школаө, дзыкөдз бурасисны.

Кызкө төдлытөг лэбыштіс челядьдырыс, вой саридзө быттьө Эжава визулыс моз исковтіс—он бергөд. Верстыамыштөм, гладитөм гача Митрей рытьяснас ветлөдліс нин кино вылө. Дженьыд сосьяса да катшасин дзоридзьяса платтьөөн петавліс рытйысьны и Машө. Митрейөс кыскөмөн кыскис бобув кодь мича ныв дорас. Вочаасьлігөн быдсөн пөсьө шыбитліс, өзйыліс чужөмбаныс.

Митрейөс быттьө вежисны, эз кут овсьыны керка пытшкын да петавліс ывлаө, мед мыйкө да вөчны. То сісьмыны кутөм моски плака вежас, то ва катлас, то зыр воропалас, мед сөмын аддзывны суседкасө. Машө отарө жө ывла вылө котраліс: луннад некымынысь чышкыліс пос помсө, пелькөдіс керка гөгөрсө да кыскаліс град выв пуктас. Төрыт на пыркөдіс джодж дөра, а талун бара нин швачөдө.

Воис кад и кутісны аддзысьлыны дзоридзалысь льөм пу дорын. Митрей вөчис сэтчө лабич. Тані, дөзмөдчысь номъясысь өвтчышталөмөн, ныла-зонма коллялісны шоныд войяс. Пукавлісны асья ыркыдөдз, кывзісны мөдлапөлысь көкөс. Но сійө көкліс этша. Томъяс серавлісны: «Тайө көкыс, буракө, пөрысь нин, төлксьыс вошөма».

Өтчыд Машө аслас төдлытөг топөдчыштіс Митрей бердө: ыркыд, буракө, лоис. Митрейлөн топавліс лолыс, но и отпырийө вошис полөмлу-

ныс: чупнитіс нылөс шондїөн зарниөдөм чужөмбанө. Та бөрын пукавлісны эз нин костөн, а пельпомъяс вылө өти пинжак плавгөмөн.

Аэропортын, армияө колльөдїгөн, Машөкөд янсөдчөмыс йөз дырйи артмис коса, но сьөлөмсө дыр шонтіс нывлөн «Виччыся!» шуөмыс. Кытчөдз тыдаліс, сэтчөдз и видзөдіс кияснас өвтчысь муса морт вылас самолётлөн өшинь пыр да и лэптөм лым турөбсьыс на мыйкө зілис казавны.

Армиясьыс чужан сиктас самолёт жө вайис. Öдйө босьтчис восьлавны сьөлөм косьтысь шөвк туг дінө. Сэки и петіс кытыськө Салдат Öле— армияө быд мунысьөс колльөдысь да вочаалысь. Сійө отсаліс нуны нопсө да вөзйысис чукөртны рыт кежлас Митрейлысь ёртъяссө. Сійө жө и пуртөн быттьө вундіс армеечлысь сьөлөмсө, кор орчча битөм керкаса олысь йылысь шуис:

— Маша талун, буракө, Майтөгьясын.

Митрей вөлисти гөгөрвоис, мыйла бөръя во джынъяс волісны дженъыдик, косіник письмөяс. «Майтөг Гришалы и ылалін?»— дивитіс сійө нылөс, асьсө лөньөдөмөн, а сьөлөмыс бөрдіс, вочасөн ыркалөмөн да, медбөрын, измис.

Ва катлігөн зон унаысь казавліс син бөжнас, кызди вөрзъыліс орчча керкаысь өшинь занавесыс, но дзикөдз восьтны эз пет, нылөс прөститны эз вермы. Сөмын удж дорын небзьыштліс измөм сьөлөмыс. Сідзи өтнасөн и оліс бать-мамыслөн водза-водз кувсьөм бөрын.

Öні Машө-Маръяыс, вильснитөмысь видзчысьөмөн, кайис кыр йылө да лэдзис тыра ведраяссө Митрейлөн ведраяс бокө. Сэсся пуксис жө лабичө вөвлөм мусузыкскөд орччөн лөньөдыштны ловсө.

Пукалісны-пукалісны, и недыр мысти весиг кын льөм пуыс кыліс:

— Машө, ёна лымъявтөдз вай косялам потшөстө, дзик нин сісь сійө тэнад. Тулыснас вильөс вөчам.

— Косялам и эм, — пыр и көсйысис Маръя, быттьө тайөс и виччысьөма олөм чөжыс.

Мөдлапөвсянь көкыд көкліс. Көть скупа, но көкліс!

Галина АХМЕДОВА

МЕНАМ СИКТ

Шөгсө-гажсө, бурсө-лөксө,
Сьөкыдлунсө, төждсө-ноксө
Аслад нэмөн уна төдлін,
Но век йөзсө сьөлөмөдлін,
Менам дона сиктөй.

Коркө зэра, коркө буса,
Сөмын меным век тэ муса.
Сідзи артмис: бокын ола,
Но өд тэнад руа-лола,
Менам дона сиктөй.

Кадыс арся лун моз дурө,
Сьөкыд олөм вуджны сюрө,
Мый на водзисьыс пө ваяс...
Но ми Эжва катыдсаяс,
Менам дона сиктөй!

БАТЬЛӨН ВЕЛӨДӨМ

Мортлы нэмыс өтчид сетсьө,
Кыдзи кужан, сідзи-й ов,
Сөмын лөк вылө эн сетчы,
Гыбалышт, кор корө лов.

Вывті кужысьө эн пуксьы,
Тыдөд асьтө, кутшөм эм.
Шудөн-шогөн өрткөд юксьы,
Кокниджыка коляс нэм.

Юртө некодлы он ворссьы,
Он кө йөз тшөт весьтө ов.
Лөпсө аддзы керка дорсьыд,
А эн йөзлысь топөд лов.

Тадзи аслым ачым шуа
Да и ола лунысь-лун.
Батьө важөн узьө муын,
Но-а велөдөм эз вун.

* * *

Удждонтө кө дыр оз сетны,
Водзөсасьны лоө пыр.
Көть и яндзим йөзад петны,
Он өд, босьт да, ваө пыр.

Вежавидзысь морт кө, шуө:
«Воськовт, кутшөм суис мог?
Эн на тэрмась пырны гуө,
Тэнад шогыд—мена м шог».

Озыр мортыд дыр оз варгы,
Петө воча, мед он пыр.
Шуө: «Абу. Тан эн няргы,
Тэ кодь корысьыд дзык тыр».

Мый нө татчө шуны сэсся?—
Гөгөрвоа мортлысь сям:
Коді сьökыд уджас пессьö,
Сылөн сьөлөмыс и рам.

ТӨДСАЛӨН ВИСЬТ

Зэв тай öдйö олөм дзугсис,
Эг и төдлы шудлысь көр.
Сьылі вылө верөс пуксис,
Көть и торйөдчөма бөр.

Луннас юö, войнас олө,
Корö менсьым нянь да сов.
Петө-пырö, муно-волö,
Гортысь вөтлөмысь оз пов.

Челядьöйлы сьökыд овны—
Серам пыдди пинь да зык.
Öнисянь нин лоö повны,
Налөн олөм мед эз тшык.

Ме диньсь кө бурөн муніс,
Гашкө, ловзи, лои мөд.
Вөтлы, шуан? Кокни шуны,
Мый и вөчны, ме ог төд.

* * *

Кор тэныд вывті сьökыд вөлі,
Ми кыкөн юким öти шог.
А öні бергөдчөма төлыс—
Тэд менам шогөдз абу мог.

Бур вөчөм, озырмин да, вуні,
Тэд колö сөмын сьөм да чин.
Мый коли татчө меным шуны?—
Ок яндысьтөм жө тэ дай син.

Галина АХМЕДОВА

Чужис 1959 вося апрель 28 лунö Пожöгын, көні и помаліс шөр школа. Велöдчис полиграфистö да уджаліс районса типографияын. Бөрья кадö детсадса челядь дорын.

Гижны босьтчис верстьö кадö нин. Кывбурьясын тöдчö олөмсö пыдісянь вежөртөм. Йөзöдчö «Парма гор» газетын.



Роза ВЛАСОВА

Чужис 1940 вося сентябрь 7 лунö Помөсдінын. Помаліс сиктса шөр школа. Медся уна кад сетіс челядьлы, уджаліс 20 сайö во яслиын. Уджалан местаяснас сідзжö вөліны народнöй суд да аптека.

Гижны босьтчыліс школаын велöдчигөн, но йөзöдны кывбурьяссö кутіс сөрөнджык. Тайö книгаас бөрйöма на пиысь медбурьяссö.



Анастасия ДЁМИНА

Чужис 1985 вося январь 15 лунö Діа-Сөръя посёлокын. Öні олö Кырныша грездын. Велöдчö Помөсдінса шөр школаын.


Медводдза кывбур гижис витөд классын. Йөзöдчö «Парма гор» газетын.




Ольга ЕМЛЕВСКАЯ

Чужліс Пожөгдін грездын 1968 вося июнь 23 лунö. Пожөгса шөр школа бөрүн помаліс Сыктывкарса госуниверситет, лоис коми кыв да литература велöдысьөн. Уджаліс Мылдінын да Белоборскын. Öні олö чужанінас.

Кывбурьяс босьтчис гижны школаын велöдчигас на, но дыр некөн эз йөзöдчы. «Парма гор» газет лыддысьяс наөн медводдзаысь тöдмасисны некымын во сайын.





Гелий ЗЮЗЕВ

Чужис 1946 вося сентябрь 27 лунö Вождін грездын. Улыс Вочса восьмилетной школа помалом бõрын велодчис трактористö да дыр уджалис туй вочан организацияын. Бõрынджык врачяс тшöктисны бõрыны кокниджык удж.


Кывбурьяс гижны босьтчылис томсянь, но бура дыр кежлö эновтчылис. Сылон поэзияон төдсаоь кызди Эжва йывса, сидзи и республикаса лыддысьсысьяс.



Елена ИГНАТОВА

Чужис 1965 вося январь 8 лунö Скөрöдумын. Помöсдинса шөр школа бõрын помалис Сыктывкарса государственной университет. Велодö Пожөгса шөр школаын коми кыв да литература.

Гижны босьтчис школаын велодчигон. Йöзöдчö «Парма гор», «Йöлöга», «Коми му» газетьясын, «Би кинь» да «Войвыв кодзув» журналъясын. Кывбурьясыс петавлисны «Сикötш» книгаын.



Мария ИГУШЕВА

Чужис 1950 вося декабрь 1 лунö Керчомьяын. 1958 восянь олö Дереваннойын. Ас кадö помавлис Сыктывкарса культпросветучилище, уджалис специальность сертиыс клубын да детсадйын.

Гижны босьтчис некымын во сайын. Йöзöдчö «Парма гор» газетын. Кывбурьясыс петавлисны и «Войвыв кодзув» журналын.



Татьяна КАРМАНОВА

Чужис 1981 вося июль 26 лунö Кырныша грездын. 1998 воын помалис Помöсдинса шөр школа. Олö да уджалö чужанинас.

Кывбурьяс гижны босьтчис школаын велодчигон. Бура дыр нин йöзöдчö «Парма гор» газетын. Вöли республикаса том гижысьяслон семинар вылын.

Алексей КОРЕЦКИЙ

Чужис 1986 вося октябрь 16 лунö Кебанъёлын. Õни велöдчö Аныбса школаын 8 классын.


Кывбуръяс босьтчис гижны витöд классянь. Йöзöдчö «Парма гор» газетын. Петкöдчылис нин и «Войвыв кодзув» журналын. Вöли республикаса том гижысьяслön 2000 вося семинар вылын.



Иван ЛИПИН

Чужис 1959 вося январь 16 лунö Кулöмдiнын. 8 класс помалöм бöрын велöдчис трактористö да уджалис совхозын. Сэсся велöдчис шоперö да служитис армияын. Локтöм бöрас бара кучысис видз-му уджö.

Гижö кывбуръяс да висътьяс, йöзöдчö «Парма гор» газетын. Вöли республикаса том гижысьяслön 2000 вося семинар вылын.



Лилия ЛУДЫКОВА

Чужис Кöрткерöс районса Нёбдiн сиктын 1930 вося октябрь 8 лунö. Помалис Шойнатыса шöр школа, сэсся Коми государственной педагогической институт. 1951 воын локтис велöдны Пожöгö да нэм кежлас овмöдчис татчö.

Гижны босьтчис квайтымынöд воясö. Йöзöдчö «Парма гор» газетын, «Войвыв кодзув» журналын. Неважөн на козьналис лыддысьысьяслы «Бара школаö» повесть.



Галина ЛЮТОЕВА

Чужис 1982 вося май 3 лунö Кулöмдiнын. Помалис татчöс шöр школа. Õни велöдчö Коми государственной педагогической институтын.

Гижны босьтчис школаын велöдчигön. Йöзöдчö коми кыв вылын петысь газет-журналын. Вöли республикаса том гижысьяслön 2000 вося семинар вылын.






Иван НОГИЕВ

Чужис 1952 вося сентябрь 18 лунö Парма грездын. 1969 воын помаліс Кулөмдінса шөр школа, а нель во мысти—Егорьевской авиационно-технической училище. Уджалис Печора карын авиатехникөн. 1981 воын помаліс Сыктывкарса государственной университет да куим во уджаліс Кулөмдінса шөр школаын. Öні зильö пытшкөсса делöяслөн Кулөмдінса отделын. Дыр нин йөзөдчö коми газет-журналын.



Александра ПАРШУКОВА


Чужис 1987 вося март 21 лунö Мыс сиктын. Велөдчö школаын. Кывбурьяс босьтчис гижны квайтөд классянь. Йөзөдчö «Парма гор», «Йөлöга» газетьясын, «Би кинь» журналын. Öтувья книгаын петкөдчö медводдзаысь на.



Владимир ШОМЫСОВ

Чужис 1954 вося июнь 14 лунö Пожöгын. Помаліс татчөс шөр школа да Коми государственной педагогической институт. Пыр на велөдö ас сиктса школаын том войтырөс.

Гижны босьтчис пединститутын велөдчигөн. Медбура артмöны серамбана висьясь. Гижөдьясыс петавлісны «Парма гор», «Коми му», «Йөлöга» газетьясын, «Би кинь» да «Войвыв кодзув» журнальясын.



Анастасия ШОМЫСОВА

Чужис 1981 вося апрель 11 лунö Помöсдінын. Татчөс шөр школа помалөм бöрын велөдчö Сыктывкарса государственной университетлөн финно-угорской факультетын. Öні коймөд курсын.

Кывбурьяс гижны босьтчис школаын велөдчигөн. Найöс йөзөдö комиён петысь газет-журналын.

КОМИ КЫВ

Комиён варга,
Комиён сыла.
Олёмсö ставнас
Коми ног кыла.

Казялі: югдіс
Весигтö лолöй,
Гажаджык лоис
Висьöдчысь олём.

«ЮРГАН»

Коркө роч рөд пö тані овлөма,
Со и ним сылөн—Скөрөдум.
Важөн комиён сиктыс лоёма,
Нимыс чужтывлө мелі нюм.
Ягьяс-расьяссö эз кө ордыны,
Эз и ворссыны нинём, эз.
Тані сыланкыв чужö-бордьясьö,
Гажөн нималö мича грезд.

Мыла гөлөсьяс ылөдз юргöны,
Эм тай енбиыс, шондібан.
Кыпыд котырыс—коми «Юрганыс»—
Уна во сайын чужліс тан.

Сөвмис-быдмис да вылө кыпаліс,
Юргö сыланкыв выль и важ.
Йöзлөн сьөлөмö йиджö-сибалö
Эжва сигöрын пестөм гаж.

ПЕТЫР ЛУНÖ

Петыр лунö чужис муслун, вежа лунö,
Бура дыр нин орччөн кытчökö тай мунам.
Тайö луныс вöлі шондiа да мича,
И ми век на сьөлөм öзйөмаөн видзам.

Медся ыджыд лунөн лоис Петыр луныс,
Быд во йöзлөн кытшö тэрмасьөмөн мунам.

Бара синмын синъяс, бара кольмө юрным.
Медводдзаысь быттьö. Сьölöм весиг бурмö.

* * *

Мудзöм кывбур пызан вылын шойччö,
Быттьö узьö, куньöма нин син.
А йöй сьölöм водзö гижны тшöктö,
Ыззьöма, оз аддзы некыз ин.

Шöйöвошöм мөвпъясöс ме öкта,
Корся кыськö-мыйкö тöлк да слöй.
Сёрмöм юсь кодь лолöй пессьö-йöктö,
Садьмы, сьылан, унмовсин нин мöй?

* * *

Войнаыс аньöс олiгас на виис:
Чечнялөн биын сотчис öтка пыис.
Войнаыс тайö коркö дзикöдз кусö,
Но синва тырөн кольö Коми мусö.

* * *

Сöмын синъяслөн, кияслөн сёрни...
Кольмис юрöй да, пыксыны сёр нин.
Вунис мамөлөн öлöдан кывйыс,
Югыд дойыслөн сунгыси сывйö.

* * *

Ёна дойдiн, шудтöмөн кор шуин,
Кокъяс улысь вошлiс быдсөн муыс.
Ме öд чайтi: мудзöмөн көть ола,
Этшаника тэныд век на кола.

Ольга ЕМЛЕВСКАЯ

МАМЛЫ

Медся дона, медся муса морт,
Верстьö ме, а тэ дорö век муна.
Пельпом сайын быдмö быттьö борд,
Синва сора шогöй быдсөн вунö.

Тода: аслыд овлө курыд шог,
Да он норась, кутан асьтө рама.
Гашкө, водзын олөм кутшөм лёк,
Тэ моз эськө кутчысьны жө, мамө.

* * *

Война. И муніс сэтчө сійө,
И сөмын төлысь мысти юөр.
Чечня. Скөр йөз. А тшыныс-биыс
Оз ваймы, өтарө век туө.

Пыр кевма, медым эськө сэтөн
Тэ Енлөн синьяс улө сюрин.
Лок өдйөджык, мен пемыд тэтөг,
Лок ловьяён да вылын юраён.

ГОЗЬЯ

Помся мыйкө юкөны,
Зыкөн рытсө пукөны.
Бурыс кушөдз вунөма,
Сьөд кань быттьө мунөма.

Сьөлөм биныс кусөма,
Өтка войыс мусмөма.
Көть и шонді окалө,
Ичөт нывныс шогалө.

* * *

Эжвалён веж гыясө
Воши муса пиёй.
Юыс визлач шыясөн
Век на менө виө.
Асыв бара руалө,
Эг өмөй и водлы?
«Терпит, — мамө шуалө, —
Яй сьөлөм оз потлы».

* * *

Пинялёны рөдвуж помтөг,
Тшөтш и шуышталө мам:
«Абу өд нин, нылөй, том тэ,

А эз лолы олан сям».
 Сайкала, кор мыжос кыла:
 Мыйла овнысö ог куж?
 Ме öд лөня олөм вылө
 Югыд му вылас эг чуж.

* * *

Кывбурьясöй юрö вöтын волöны,
 Садьмөм бöрын сьөлөм пытшкын олöны.
 Пызан сайын кывъяс сэсса сюрöны,
 Колö сөмын мичаника вурлыны.

* * *

И ывла вылө петис сьыланкыв,
 Кор тулыс воис вежа-лöза гажөн.
 Мен шуис сьөлөм: «Пет да тшөтш жö сьыв,
 Öд эн нин менö гажөдлы тэ важөн».

Ме сідзи-й вöча, нюжмасьны ог кут,
 Гитара босьта, пукся кильчö вылө.
 И, гашкö, талань матыстчыштас шуд,
 Öд сійö муніс кытчökö зэв ылö.

* * *

Тэ и ме, и кодкö коймөд...
 Кевмысьны эг вела.
 Муна. Коля. Сьөлөм доймö.
 Джаггөрөдыс зэлыд.

* * *

Менам син водзö локтан тэ пыр,
 Ачым ыркыд, а сьөлөмöй корö.
 Эг нин аддзысьлөй тэкөд ми дыр,
 Збыльысь йитөдным коркö мөй орö?

Войся енэжын кодзулыс моз
 Югыд лачаöй öзыйлө-куслö.
 Коркö шедлас нö киö ли оз
 Помтөг пöртмасьысь томдырся муслун?

Анастасия ШОМЫСОВА

* * *

Сэтшөм гежөда волёны зэръясыс, гежөда,
Эськө на вылө шондіа лунъяссө вежи да.
Сэтшөм гежөда волёны зэръясыс, гежөда,
Эськө ю дорас ваыслы висътасьны кежа да.

Визув ю дорас зэръяссө кора да,
Ставсө висътала, сьёлөмысь орөда.
Визув ю дорас зэръяссө кора да,
Пыжөн вуджысьсө асланыё горөда.

* * *

Мамө, талун төлыс небыд,
Кыдзьяс костөд котралө,
Тэнсьыд муса, вильыш нывтө
Радейтө да кодралө.

Мамө, талун рытыс мелі,
Гортос меным казытылө.
Мамө, тэ вай коркө волы,
Мелань туйсө дасьтивлы.

* * *

Гөгөр синъяс, төдтөм синъяс,
Абу некод чой ни вок.
Мен оз овсыы йөзаинас,
Сиктса кильчө вөсна шог.

* * *

Пельын дзизгөмөн кыліс
Сиктса улич выв.
Көнкө гораа сьыліс
Менсьым сьыланос ныв.

Менсьым сьыланос сьыліс,
Кыдзи сьывны, эз төд.
Сійө вөлі ме йылысь,
Өні лоис дзик мөд.

Вичмас тайё му вылас
Ставлы ас сьыланног.
Кор өд йёзыдлысь сьылан,
Артмё шуд пыдди шог.

* * *

Ог пыр ме сійё керкаас, кён меным
Ни өти дзоридз ньöти абу рад.
Сэн меным лоö кодзыд, шуштём, пемыд.
Сэн лоас ад. Сэн сувтас-джөмдас кад.

* * *

Көсийи гөгөрвоны тэнö,
Кыдзи рудов арся енэжсö.
Көсийи гөгөрвоны тэнö,
Кыдзи зэрсö югыд гөпъяссьыс.

Көсийи гөгөрвоны тэнö,
Кыдзи вөтöс, лунся вемöсöс.
Көсийи гөгөрвоны тэнö,
Да эг вермы, уси шемöсö.

* * *

Синтём зэрыс инмалö асфальтас,
Бытьё тэнö кималаснас корсьö.
Тэ он сюр. А менö зэрыс гартас.
Тэ он лок. Ме зэръяс пиас сорся.

* * *

Тэнад сывъясысь пышйыны кужи,
Сöмын кылö на пельпомысь сойыд.
Гашкö, тэтöг ме овнысö чужи?
Коді висьталас? Этайö войыс?

* * *

Тэнад кельыдлöz синъясын—асыв,
Тэнад синъясын—аддзывтöминъяс.
Кутшöм лöсьыд, мый абу на аски,
Кутшöм майбыр, мый синъясын синъяс.

ДӨРӨМ

Вура тэныд еджыд дөрөм,
Вышивайта гөрдөн.
Серпасала сөмын радлун,
А ог шог да бөрдөм.

Вышивайта кыдзьяс, козьяс,
Тыяс, юяс, шорьяс.
Вышивайта пельсы розьяс,
Арся зарни корьяс.

Козьнала тэд мича дөрөм,
Көні менам муслун.
Олас медым миян шөрын
Да оз некор куслы.

Татьяна КАРМАНОВА

* * *

Шонді кайө вөрпу йылө,
Кытөнкө и колип сьылө.
Ставыс шонді улын мича,
Медся мича пөлөзнича.
Садьмөм вөр-ва шыыс мыла,
Сійөс сьөлөмөн ме кыла.

ПУЖ

Весиг думыштны эг куж:
Чеччи—гөгөр еджыд.
Мусө дзормөдөма пуж,
Мича, петө вежыд.

Лапъя пельнас өвтчө вөр
Сиктө локтысь төвлы.
Луннас пужйыс сылас бөр,
Быттьө эз и вөвлы.

* * *

Зарни юра, аттö мича
Быдмö вöрын купальнича.
Сійöс öкта, юркытш кыа,
Муна рытья гажа шыö.
Коді казялысьнас лоас
Мед жö сьөлөм вылө воас.

* * *

Унзиль вöрас ставыс
Шойччö, нистö-узьö.
Арся визув олөм
Ньöжйöникөн кусö.

Төвся луныс кольö,
Он и сійöс төдлы.
Но öд сійöс, скупös,
Олөмсьыд он вөтлы.

* * *

Сылысь гөлөссö кö кыла,
Сьөлөм тiпкö яра.
Воча лоас кö, то сыла,
Мыйла тадзи бара?

Ог на мамöяслысь юав,
Көнкö, тадз и колö.
Кор нö эськö, мый нö шуас,
Топалас мед лолöй?

* * *

Аддзысим ми тэкöд важөн,
Сэки пöся кутлiн ки.
Кадыс вöли том да гажа,
Öйис сьөлөм косьтан би.
Шуда олөм коли бөрö,
Важөн лэбзис льөм пу сад,
Но öд сійö век на корö
Матыстчывны рытьядорö,
Корсьны мусукасян кад.

* * *

Вына бушколыс толаяс сөвтө,
Койо чужомо шыдос ли бус.
Менам сьолөмой отитор лөвтө:
Мед жө радейтчөм мян эз кус.

Ёна колан нин, мусаой, меным,
Коть и мырдөн ме тэнө ог кут.
Орччөн лоам кө, ставсө ми венам.
Отув лоам кө, нюмъевтас шуд.

* * *

Төлыс дурөмысь оз пөтлы,
Дзикөдз тыртис васө-мусө.
Көдзыд ывла гортө вөтлө,
Но и гортын биыс кусө.

Пемыдінын, шоныдінын
Дурысь ывла вылас шензя.
Шыодчыны некод динө,
А од тэкөд бытьё вензя.

ДОЙ

Плавгис шальсө пемид войыс,
Кодзув абу, енэж куш.
Муртса сибөдчөм на дойыс
Бура петкөдлө мен пуж.

Дзикөдз отка войсьыс мудзи—
Нисьө морт и нисьө шой.
Код нө тэ? Эн шудсьыс удзөд,
Ой-ой-ой өд, ой-ой-ой!

* * *

Мекөд лоан, меным колан,
Мед кө мунан, мед кө, мед...
Пикө воан—бара волан,
Кытчө воштысьнысө тэд?

Сьөлөмөй бөрдө,
Инас оз өшйи—
Чужома ловъя лов.
Дзикөдз өд йөрми,
Кытчө нө пышья?
Быть өд ов.

Галина ЛЮТОВА

«ВЕРМАН КӨ, ПРӨСТИТ...»

Тайө классыскөд Аля велөдчис нин сизим во, но ни өти зонка сьөлөмсө эз майшөдлы. Да и ачыс налы вөлі, буракө, куш местаөн, некод весиг эз матыстчывлы, нимтысисны сөмын ичөт дырйиныс. Лөнь да полысь нывкаөн вөлі да, сы вөсна кө-а. Школа бөрын улич вылө прамөя эз петавлы, өтарө лыддьысис да урокьяс велөдіс. Кодлы колө татшөмыд?

И со классаныс локтіс выль зонка—кузь тушаа, сьөд синьяса, рудов юрсиа Андрей. Сійө и оз тырмы, вөлөм. Сьөлөмыс Алялөн вөлисти гораммис да өддзис, тайкө морөссө поткөдас. Окота лоис төдмасыны локтысьыскөд. Кытысь и збойлуныс петіс? Да этша на сійө вөлөма—эз лысьт матыстчыны.

Отсаліс мамыс, коді өтчыд мөдөдіс магазинө. Аля ньөбасис да мөдөдчис нин гортас, но сійөс скөра увтөмөн сувтөдіс зэв ыджыд пон. Аля дзоля дырсяньыс поліс поньяссыд да эз лысьт вөрзьөдчыны, кынмис места вылас. Сэки и отсаліс Андрей, вөтліс понсө.

—Аттө, Андрей. Пурны өд вермис,—шуис Аля да мөдөдчис гортаныс. Сы бөрся и Андрей. Нывкалы вөлі сэтшөм нимкодь, мый весиг эз эскыссы татшөмторас.

Гортө вотөдзыс найө быдтор йылысь удитісны сёрнитны. Вөлөмкө, Андрей кужө ворсны гитараөн и зэв жө радейтө лыддьысьны, а нөшта и кыйны чері. Локтөмаөсь овны став семьянас пөчыс ордө. Во мысти мунасны бөр.

Асывнас школаө мунігөн бөрвывсьыс кыліс шутьялөм.

—Мый нө сы өдйө лэбан?—суөдіс Аляөс Андрей. Öдйө и воисны школаөдз гажа сёрниөн. Ныв чуймаліс, мый сэтшөм кокни тайө зонмыскөд.

Оти лунё выль велёдчысьыд гортёдзыс локтіс. Сійо корис Аляёс петавны ывла вылө. Кадыс колис тёдлытөг. Аля вөлі медся шуда мортөн. Сійо көсйис, мед татшөмыс эз помасьлы некор. Дыр, ёна дыр сэки сёрнитісны, некыдз эз вермыны торйөдчыны.

Та бөрын найө збыльысь эз и торйөдчывны, өта-мөднытөгыс эз нин вермыны овны. Пырджык воylvліс Аля ордө Андрей, и костөдліс найөс сөмын съөд вой.

Өтчыд Андрей локтіс дзик эз ас кодыс: зумыш, весиг скөр.

—Мый нө лои?—юаліс Аля.

—Тэд нө мый?!—вочавидзис мөдыс да нөшта на мыйкө скөрысь шуаліс. Та вылө и волөма, регыд бөр муніс. Аля нинөм эз гөгөрво, юрас өтарө клёнгис: «Мый нө лои? Мый нө лои?». Пырис аслас жырйө да дыр курыда бөрдіс.

Чайтіс, мый на костын ставыс помасис, но каникуласян нельөд лунө Андрей локтіс, быттө нинөм эз и вөвлы. Дыр сёрнитісны, дзикөдз бурасисны. Аля весиг эз лысьт юавны, мый зонмыскөд лоліс.

А гожөм шөрнас вөлі чужан лун. Муса зон козьналіс мездор тыр дзоридзьяс да зэв мича сикөтш.

Арнас пуксисны өти парта сайө. Ставныс чуймалісны, но некод нинөм эз шу. Быттө тадзи нэмыс вөлі. Дерт, эз жө казьявтөг овны, мый нылазонма костас вөчсьө.

Луньяс колисны шудаөсь, но өтчыд Андрей бара «артисталіс»: пуксис мөд парта сайө.

—Мыйла нө татчө пуксин?—юаліс Аля, но зон эз вочавидз. Асьсө жугөдөмөн и колис нывлөн луныс. Сэсся мөд, коймөд, нельөд. И воис лун, кор Андрей эз лок школаө: семьянас бөр мунөмаөсь гортаныс.

Аля чайтіс, мый гажтөмысла кулас, но вочасөн дойыс кутіс личавны, көть юрсьыс съөд синма зонмыс некыдз эз көсйи петны.

Өтчыд школаысь локтөм бөрын Аля аддзис Андрейсянь письмө. Тіран киясөн полөмпырысь востіс да лыддис:

«Чолөм, Аля!

Гашкө, тэ ме вылө скөрмин и он нин көсйи ме йылысь нинөм төдны? И тэ прав! Оз ков ёртасьны татшөм трусьяскөд. Ме пыр тэнө велөді, кыдзи кыпыдджыка овны, а ачым вөчи зэв лёка. И гөгөрвои тайөс сөмын гортө воөм бөрын. Төдін кө эськө, кыдзи ме тэзысь гажтөмтча!

А ставыс лоис со кыдзи. Помнитан, ме локті зэв скөрөн да пинясим тэкөд? Таөдз ме вөлі Димакод, и сійө меным шуаліс: «Абу мөй тэныд дыш гуляйтны Аляыскөд? Бабаяс өд вреднөйөсь, насянь сөмын лёк вичмө». Ме өд, йөйыд, висьтавлі сылы, кыдзи ми ёртасям, кутшөм тэ бур морт. Сійө сёрнисө паськөдіс и зоньяс пөвстын. Мыйяс лөсьөдліс, ме ог төд, но найө кутісны серавны ме вылын. Босьтчылі эскөдны, мый тэзысь бурыс некод абу, мый тэнад да менам ёртасьөм—нэм кежлө, но

некод кывзыны тайос эз кӱсйы. Сидзи и вермисны менӱ, ставныслы паныд сувтны эг вермы. Ӗтчӱд школа бӱрын эськӱ мӱдӱдчыли тэ дорӱ, но паныдаси ас котырсакод да бӱр бергӱдчи. Бӱрӱя трус моз шуи, мый на дорӱ и мӱдӱдчыли. И та бӱрын на сьӱлӱмӱй кыскис тэ дорӱ, но мен чайтсис, мый тэ менӱ он прӱстит.

Сӱмын ӱнӱ ме гӱгӱрвои, кодӱс ме воштӱ. Ставсьыс мыжа ачим. Гашкӱ, прӱститан?..

Андрей».

Аля пӱттӱдзыс бӱрдис, а сэсся мыссис да джодж чышкигмоз долы-да нюмьӱвтис аслыс зеркалӱ. Сьӱлӱм вывсьыс ыджыд изйыс усис. Со, вӱлӱмкӱ, мыйын делӱйс. Сидзкӱ, и Аля ачыс мыжа, мый эз гӱгӱрво Андрейлысь мӱд морталӱмсӱ да нинӱмӱн эз отсав.

Аля босьтис киас Андрейлысь фотосӱ да сы вылӱ видзӱдигмоз корис: «И тэ, верман кӱ, прӱстит менӱ...»

Анастасия ДѐМИНА

* * *

Медым оласны пӱль-пӱчным мяян,
Медым оласны бать-мам да пьян.
Медым олам ми ставӱн зэв дыр,
Сӱ дас арӱсӱн бертыштам мыр!
Медым мяянысь эновтчас вӱрӱг—
Асьным ветлӱдлам улича шӱрӱд.

* * *

Ичӱт чойкӱд муним вӱрӱ
Вотны чӱскыд юмов пув.
Тӱкӱтӱ эг весьӱпӱрӱй,
Мыйӱн орчӱн чегис ув.

Ошкыд татчӱ локтӱ, гашкӱ,
Либӱ кӱин мыччӱ ныр?
Гортӱ котӱрӱн ми кашким,
Пувӱн чуманным эз тыр.

* * *

Кытшалӱ видзьяссӱ, сывьялӱ муяссӱ
Нэмьяс чӱж сулалысь мича, ӱн вӱр.

Кодзувъяс войяснас сибдöны пуясö,
Асьявыв ньöжйöник мынöны бөр.

* * *

Тэкöд ми шудаось вöлим,
Сылis кор гөгöрысь лым,
Лэдзис кор кызiник гөлöс
Муртса на палялöм гым.

Сöмын тай кодикö ёрис,
Вошин тэ, быттьökö тшын.
Вужйыс мöй сьөлöмлөн орис?—
Лоис öд сийö дзик кын.

* * *

Рытын туй кузя ме муна,
Енэж шöрын кодзув уна.
Рытыс сэтшöм мича да,
Кодзувъяслань видзöда.

Мелань тöлысь дзоргö воча,
Гашкö, шензьö, кодi водзам
Яндысьöмөн сулалö,
Радейта-ö, юалö.

Александра ПАРШУКОВА

ШУДÖЙ ТАНИ

Парма муöй, чужанiнöй,
Эжва юöй, вичко дiнöй,
Олан вужйöй—пöльöй-пöчöй,
Муса керка, батьöн вöчöм.
Тшакөн-пувйөн озыр вөрöй,
Öшинь улöй, гажа йөрöй,
Тэ öд олан гажыс менам,
Дойсö пыка, шогсö вена.
Каръяс вылö ог и чиктыв,
Медся лöсьыд чужан сиктын.

ЛӨНЬ

Гөгөр лөнь. Ставыс кулома тшук.
Весиг төвруыс кынмөма быттьө.
Сөмын сьөлөмөй ловья: тук-тук,
Менсьым здукьясөс му вывсьыс лыддьө.

* * *

Мунө туй кузя салдат,
Кытчө бара кежас-а?
Кутшөм семья лоө рад
Сылы югид вежөсас?

Мунө туй кузя салдат,
Со өд, гортас воөма.
Ёнмөдөма служба кад,
Зэв өд статя лоөма.

Мунө туй кузя салдат,
Локтө мян керкалань.
Мый и вөчны—веськыд мат,
Дурпоп моз и бергала.

* * *

Радейта ме кыйны чери,
Вадорысь көть ог и кай.
Овлө, төлалө и зэрө,
А ме вуграся ас пай.

Эжва быттьө шөпкө меным:
«Шедас кельчи, шедас сын,
Сөмын лөня пукав сэни,
Он кө тэрмась, оз и мын».

Пельпом вылын вугыр шатин,
Киын чери туис тыр.
Окаласны мамө, батьө:
Тэд пө мойвиө тай пыр.

* * *

«Гиж вай унджык,—сьөлөм корө,—
Водзджык пуксьы пызан дорө».

Со и мырся, гижавура,
Колан кывсö корся бура.
Абу кокни уджыс, вöлөм,
Аттьö тэныд, шоныд сьөлөм.

Алексей КОРЕЦКИЙ

ЧУЖАН СИКТЛЫ

Менам муса Аныб сикт
Чужома көть важон,
Банйом пелысь кодь жö дзик,
Олö югыд гажон.

Тані мортыс дорö шуд,
Уджалö и сьылö.
Лёкö ордымсö оз кут,
Сöмын бурсö кылö.

Чужан сиктлы овны дыр
Сиам ми—ныв-пиян.
Сьөлөмъясын кутам пыр
Кыпыд лола бияс.

* * *

Арыс дзикöдз яндзимсö тай воштис,
Оз и дзебышт няйтон резом бож.
Коркө сийос Пушкин ена ошкис,
А ме вида коймод төлысь чож.

Лымыйс усьлө, сэсся дзикöдз сылө,
Асьявылыс самасьлө уль ру.
Кор нö эськө нёдздём эрдъяс вылө
Тэрыб көчыс коляс еджыд ку?

ОТСАСЬЫСЬ

Гожомъяснас шойчча-ола
Ыджыд бать-мам ордын пыр.
Ставыс судзсьö, мый мен колö,
Пызан вылыд чукйон тыр.

Ыджыд батыё ёна висьё,
Оз нин азыматё сёй,
Чер и пила усьё кисьыс,
Но өд венё кызкё дой.

Ыджыд мамё тільсьё-пессьё,
Оз и бырлы гортысь нок.
Лунтыр мырсяс, рытнас сэсся
Өдва кутё сийёс кок.

Мый ме верма, тшөтш жё вёча,
Пырта ва и вөтла мөс.
Оз коть ставыс артмы стөча,
Дорья ыджыд мамёос.
Ёна радейта ме найёс,
Коді сетіс төлк да сям.
«Дыр ззв олөй,—кора тайёс,—
Ыджыд баты да ыджыд мам».

ЧОЙ

Муса мамлөн өтка пи
Өнөдз пыр на вөлі.
Төрлім жырийё бура ми,
Олім лөня-чөла.

Но со чужис Далюк чой,
Менё бокө вештіс.
Сьылё-бөрдё лун и вой—
Лөня олөм эштіс.

Уся-чечча, нокся пыр—
Мамлы отсөг колө.
Коть и мудза, радөн тыр:
Чойкөд гажа олөм.

ЮРИНДАЛЫСЬ

Лилия ЛУДЫКОВА

Мам	3
-----------	---

Роза ВЛАСОВА

Эскөм	4
Пуксис лун	5
Вөлөгә	5
Лача	5
Батьлөн письмо	6
Мамлы	6
Вичко	6
Радейтчөм	7

Гелий ЗЮЗЕВ

Марьямоль	7
Рай	8
Колипа лов	8
Поз	8
Томлун	9
Казьтылөм	9

Мария ИГУШЕВА

Кыз пу	10
Эн вунөд	10
Чужанынын	10
«Кыпид Дереванной сикт...»	11
Бать	11
Коми аныяс	11
Лидия Чувьюровалы	11

Иван НОГИЕВ

Мам сьөлөм	12
------------------	----

Владимир ШОМЫСОВ

Көч шпион	14
-----------------	----

Кöч балерин	15
Кöч минёр	15
Рака алкоголик	16

Иван ЛИПИН

Скуп көк	16
--------------------	----

Галина АХМЕДОВА

Менам сикт	18
Батьлөн велөдөм	19
«Удждонтö кө дыр оз сетны...»	19
Төдсалөн висът	20
«Кор тэныд вывтi сьöкыд вöли...»	20

Елена ИГНАТОВА

Коми кыв	21
«Юрган»	21
Петыр лунö	21
«Мудзöм кывбур пызан вылын шойччö...»	22
«Войнаыс аныс олигас на виис...»	22
«Сöмын синъяслөн, кияслөн сёрни...»	22
«Ёна дойдiн, шудтöмөн кор шуин...»	22

Ольга ЕМЛЕВСКАЯ

Мамлы	22
«Война. И мунiс сэтчö сийö...»	23
Гозья	23
«Эжвалөн веж гыясö...»	23
«Пинялöны рөдвуж помтөг...»	23
«Кывбурьясöй юрö вöтын волöны...»	24
«И ывла вылö петiс сьыланкыв...»	24
«Тэ и ме, и кодкö коймөд...»	24
«Менам син водзö локтан тэ пыр...»	24

Анастасия ШОМЫСОВА

«Сэтшöм гежöда волöны зэръясыс, гежöда...»	25
«Мамö, талун тöлыс небыд...»	25
«Гөгөр синъяс, төдтöм синъяс...»	25
«Пельын дзизгöмөн кылис...»	25
«Ог пыр ме сийö керкаас, көн меным...»	26
«Кöсий гөгөрвоны тэнö...»	26
«Синтöм зэрыс инмалö асфальтас...»	26

«Тэнад сывъясысь пышйыны кужи...»	26
«Тэнад кельыдлөз синъясын—асыв...»	26
Дөрөм	27

Татьяна КАРМАНОВА

«Шонді кайö вөрпу йылö...»	27
Пуж	27
«Зарни юра, аттö мича...»	28
«Унзиль вöрас ставыс...»	28
«Сылысь гөлөссö кө кыла...»	28
«Аддзысим ми тэкöд важөн...»	28
«Вына бушколыс толаяс сөвтö...»	29
«Тöлыс дурöмысь оз пöтлы...»	29
Дой	29
«Мекöд лоан, меным колан...»	29
«Сьөлөмöй бөрдö...»	30

Галина ЛЮТОЕВА

«Верман кө, прöстит...»	30
-------------------------	----

Анастасия ДЁМИНА

«Медым оласны пöль-пöчным мян...»	32
«Ичöt чойкөд мунім вөрö...»	32
«Кытшалö видзьяссö, сывъялö муяссö...»	32
«Тэкöд ми шудаöсь вöлим...»	33
«Рытын туй кузя ме муна...»	33

Александра ПАРШУКОВА

Шудöй тані	33
Лöнь	34
«Мунö туй кузя салдат...»	34
«Радейта ме кыйны чери...»	34
«Гиж вай унджык,—сьөлөм корö...»	34

Алексей КОРЕЦКИЙ

Чужан сиктлы	35
«Арыс дзикöдз яндзимсö тай воштис...»	35
Отсасысь	35
Чой	36

Литературно-художественное издание

КОСТЕР

Стихотворения, рассказы

На коми языке

Составитель и редактор
Василий Григорьевич Лодыгин

Подписано в печать 26.10.2001г. Формат 60x84/16

Объем 2,3 усл. п. л. + вкл. Тираж 500 экз.

Отпечатано в Издательстве «Эском».



Издательство «Эском»

Лицензия КР 0057 от 25.10.99.

167982, Республика Коми, г.Сыктывкар, ул.К.Маркса, 229.

E-mail: eskom@vera.komi.ru. Тел. (821-2) 42-51-40.

20^u

